

APONTAMENT PAR LA SERADE FINÂL AI 28 DI OTUBAR AES VOT  
MIEZE DI SERE TE SALE CONFERENCIS DA LA BIBLIOTECHE DI CODROIP

# S. Simon, un premi in salût

«Chest an a son rivâts ae atenzion de jurie dîs lavôrs – nus à contât il bibliotecari Giorgio De Tina, storic segretari dal concors – vot romançs e doi fumuts, la gnove categorie pensade propit par slargjâ l'interès tai confronts dal premi. No son grancj numars – dut cês o

sin in linie cul an passât e cun chei prime – ma o vin la convinzion di vê viert un gnûf front che nus darà pal avignî bielis sodisfazions». «Il» o «i» eventuâi vincidôrs a podaràn za vè in man une copie stampade dal lôr lavôr, in grazie dal impen dal editôr Forum di Udin.

**REN**TESIESIMESIME EDIZION dal premi letterari in lenghe furlane «San Simon» di Codroip, un dai concors par scrits in marilenghe cu la storie plui impuartante di dut il Friûl. De sò jurie a àn fat part personaçs dal nivel di Bartolini, Giacomini, Cappello e Pittana; lu àn vinçût, invect, nons tant che chei di pre Beline, Gianni Gregoricchio, Carlo Tolazzi e Franco Marchetta, juste par ricuardâ cualchidun.

Ancje chest an la serade di premiazion e sarà anticipade di une schirie di events, promovûts dal Comun di Codroip cul jutori e la colaborazion de Arlef, de Provincie di Udin, de Filologjiche e di altris associazions dal teritori. Moments par fâ cressi la suspence ma ancje bogns par rifleti su la condizion da lis minorancis lenghistichis e su la produzion leterarie in lenghe furlane.

Si tache joibe ai 20 di Otubar aes vot e mieze di sere li de biblioteche civiche, intitulade ae memorie di pre Gijbert Pressac, cun «Spie tant il San Simon», presentazion dai «finaliscj» dal premi e leture di cualchi toc des lôr oparis, par cure di Walter Tomada e Carlo Tolazzi, ducj i doi components de jurie di chest an.

Sabide 22, invect, si varà la presentazion dal volum «In agris rimis», impuartante iniziative editoriâl dal «Ponte del sale» di Rovigo, che e cjape dentri dute la produzion poetiche par furlan (dal 1975 al 1997) di Amedeo Gia-

comini. Intervents di Gian Mario Villalta e di Luigi Bressan. Leturis di Luca De Clara.

Martars 25, simpri ae stesse ore e tal stes puest, al sarà un incuintri cul regjist e senegjatôr ocitan Fredo Valla – presentât di Tolazzi – e la proiezion di trê soi curtmetraçs: «La strada dei capelli» (che al trate ancje di storiis leadis al Friûl di Mieç), «La Barma» e «Sono gli uomini che rendono le terre vive e care». L'ocasion, intitulade «Fare cinema nel paese occitano», e coventarà ancje par confrontâ la realtât cinematografiche in lenghe di chenti cun chês di un'altre minorance taliane.

Miercus ai 26 ancjemò un biel apontament letterari, cu la presentazion di «Antologjiche 2016», racuelte di dutis lis contis che a àn vinçût lis ultimis edizions dal concors regionâl «Zâl par furlan», immaneât dal Comun di Spilimberc: une bieles ocasion di zimulament cuntun altri premi furlan dedicât al scrivi.

Un premi in salût, duncje, il «San Simon»? «Chest an a son rivâts ae atenzion de jurie dîs lavôrs: – nus à contât il bibliotecari Giorgio De Tina, storic segretari dal concors – vot romançs e doi fumuts, la gnove categorie pensade propit par slargjâ l'interès tai confronts dal premi. No son grancj numars – dut cês o sin in linie cul an passât e cun chei prime – ma o vin la convinzion di vê viert un gnûf front che nus darà pal avignî bielis sodisfazions». De Tina al à acompagnât dutis e tren-



La serade finâl, cu la ceremonie di consegne dal premi, da l'edizion 2015 dal Premi San Simon.

tesiet lis edizions dal «San Simon»; cheste e sarà la sò ultime prime da la pension: une autentiche memorie storiche.

Apontament alore par la serade finâl, cu la ceremonie di consegne dal premi, programade come par tradizion te zornade di San Simon, ai 28 di otubar aes vot e mieze di sere te sale conferencis da la biblioteche di Codroip: «il» o «i» eventuâi vincidôrs – di 1500 euros il compens pe sezion di narrative, di 1000 par

chês dai fumuts – a podaràn za vè in man une copie stampade dal lôr lavôr, in grazie dal impen dal editôr Forum di Udin. Inte ocasion e sarà ancje la consegne dai atestâts di frecuence dal cuint cors di lenghe e culture furlanis, immaneât da la Societât Filologjiche Furlane adun cul Sportel pe lenghe furlane dal Comun di Codroip e coordinât dal prof. Gotart Mitri.

LUCA DE CLARA



GIOVANNI  
BELLINI <sup>「L'OSPITE ILLUSTRE」</sup>  
*La Trasfigurazione* <sub>da Napoli,</sub>

Un grande capolavoro  
ritorna in Veneto dopo quasi 500 anni.

dal 7 ottobre all'11 dicembre 2016

Ingresso gratuito per scolaresche e minori di 18 anni e per tutti i clienti del Gruppo Intesa Sanpaolo.

GdI  
GALLERIE D'ITALIA  
PALAZZO LEONI MONTANARI  
VICENZA

Capodimonte  
Musica e Arte  
Bente

Ministero  
dei beni e delle  
attività culturali  
e del turismo

INTESA  SANPAOLO

 CASSA DI RISPARMIO  
DEL VENETO

Con il patrocinio di:



Gallerie d'Italia  
Palazzo Leoni Montanari  
contra' Santa Corona 25, Vicenza